

Na osnovu člana IV4.a) Ustava Bosne i Hercegovine, Parlamentarna skupština Bosne i Hercegovine, na sjednici Predstavničkog doma, održanoj 2017. godine, i na sjednici Doma naroda, održanoj 2017. godine, usvojila je

ZAKON
O IZMJENAMA I DOPUNAMA ZAKONA O ADMINISTRATIVNIM TAKSAMA

Član 1.

U Zakonu o administrativnim taksama („Službeni glasnik BiH“, br. 16/02, 19/02, 43/04, 8/06, 76/06, 76/07, 3/08, 42/08, 3/10, 98/12, 15/14 i 78/14) član 17. mijenja se i glasi:

„Član 17.

Taksa se uplaćuje na Jedinstveni račun trezora u skladu sa instrukcijama i uputstvima Ministarstva finansija i trezora.

Takse za spise i radnje pred institucijama Bosne i Hercegovine plaćaju se u konvertibilnim markama, osim u slučaju iz člana 22. stav 3. ovog zakona, u iznosima propisanim Tarifom administrativnih taksi.“

Član 2.

U članu 21. iza stava 1. dodaje se novi stav 2. koji glasi:

“Institucije Bosne i Hercegovine dužne su prilikom naplate takse primijeniti instrukcije i uputstva koje izdaje Ministarstvo finansija i trezora.“

Dosadašnji stav 2. postaje stav 3.

Član 3.

U članu 30. u stavu 3. riječi: „u skladu s naredbom o uplatnim računima Budžeta BiH“ zamjenjuju se riječima: „u skladu s instrukcijama i uputstvima Ministarstva finansija i trezora“.

Član 4.

Iza člana 31. dodaju se novi čl. 31a., 31b. i 31c. koji glase:

„Član 31a.

Ministarstvo finansija i trezora BiH, o naplaćenim administrativnim taksama i drugim naknadama koje se naplaćuju u skladu s ovim Zakonom i drugim zakonima i podzakonskim aktima kojima je predviđena naplata neporeznih prihoda, koji se evidentiraju na Jedinstveni račun trezora BiH, uspostaviti će javno dostupan Registar neporeznih prihoda.

Sadržaj Registra neporeznih prihoda te njegovo održavanje propisat će Ministarstvo finansija i trezora podzakonskim aktom.

Član 31b.

Stupanjem na snagu ovog zakona prestaju važiti odredbe Pravilnika o izdavanju, puštanju u tečaj, distribuciji, povlačenju iz upotrebe i zamjeni državnih administrativnih maraka („Službeni glasnik BiH“ broj, 101/06).

Prijelazna odredba

Član 31c.

Odredba osnovnog teksta Zakona koja glasi: „Do puštanja u promet državnih taksenih marki, plaćanje taksi vršiti će se gotovim novcem.“ prestaje da važi.“

Član 5.

Ovaj zakon stupa na snagu osmog dana od dana objavljivanja u „Službenom glasniku BiH“.

PS BIH broj _____
Sarajevo, _____ 2017. godine

Predsjedavajući
Predstavničkog doma
Parlamentarne skupštine BiH
Šefik Džaferović, s.r.

Predsjedavajući
Doma naroda
Parlamentarne skupštine BiH
Bariša Čolak, s.r.

O B R A Z L O Ž E N J E

1. USTAVNA OSNOVA

Pravna osnova za donošenje Zakona o izmjenama i dopunama Zakona o administrativnim taksama sadržana je u odredbi člana IV. 4. a) Ustava Bosne i Hercegovine i člana 11. Zakona o ministarstvima i drugim tijelima uprave („Službeni glasnik BiH“, br. 16/02, 19/02, 43/04, 8/06, 76/06, 76/07, 3/08, 42/08, 3/10, 98/12, 15/14 i 78/14) kojim je propisano da je Ministarstvo finansija i trezora BiH, pored ostalog, nadležno za načela porezne politike, taksi i propisa.

2. RAZLOZI ZA DONOŠENJE

Radi unapređenja zakonskih rješenja te efikasnije primjene u praksi, a slijedom činjenice da je na osnovu Zakona o administrativnim taksama 2006. godine donesen Pravilnik o izdavanju, puštanju u tečaj, distribuciji, povlačenju iz upotrebe i zamjeni državnih administrativnih maraka („Službeni glasnik BiH“, broj 101/06), a koji se ne primjenjuje u praksi, ukazala se potreba za izmjenom odredbi Zakona na kojima se zasniva donošenje navedenog pravilnika. Odredbe zakona koje regulišu kontrolu primjene propisa o administrativnim taksama nisu dorečene u važećem tekstu, te se ukazala potreba za njihovom preciznošću. U Reformskoj agendi za Bosnu i Hercegovinu za period 2015. – 2018. godine, koja u području „Poslovna klima i konkurentnost“ kao strateški cilj navodi da će sve razine vlasti izvršiti „sveobuhvatno mapiranje parafiskalnih nameta“ kako bi se podaci o njima učinili transparentnijim i dostupnim javnosti. U svrhu ispunjenja aktivnosti iz Reformske agende Vijeća ministara, Ministarstvo finansija i trezora BiH zajedno je s Uredom koordinatora za reformu javne uprave i konsultantima sačinilo Registar neoporezivih prihoda u elektronskom obliku. Da bi se Registar mogao objaviti i održavati bilo je neophodno da se formulacija o njegovom postojanju uvrsti u zakonsko rješenje, a na osnovu čega će Ministarstvo donijeti podzakonski akt.

Iz svih navedenih razloga postoji realna potreba za donošenjem izmjena i dopuna Zakona o administrativnim taksama, što će imati za cilj efikasniju primjenu u praksi.

3. OBRAZLOŽENJE PREDLOŽENIH PRAVNIH RJEŠENJA

Što se obrazloženja predloženih rješenja tiče ona su kakao slijedi:

Član 1. definiše da se administrativna taksa plaća na Jedinstveni račun trezora u skladu sa instrukcijama i uputstvima Ministarstva finansija i trezora BiH, tj. da se takse za spise i radnje pred institucijama u Bosni i Hercegovini plaćaju u konvertibilnim markama, osim u slučaju

kada takseni obveznici, koji iz inostranstva traže da im tijela u BiH izvrše radnju podložnu plaćanju takse, plaćaju taksu u stranoj valuti po važećem kursu.

Član 2. definiše da su institucije Bosne i Hercegovine dužne prilikom naplate takse primjenjivati instrukcije i uputstva koje izdaje Ministarstvo finansija i trezora BiH.

Član 3. definiše zamjenu riječi „u skladu s naredbom o uplatnim računima“ riječima „u skladu s instrukcijama i uputstvima Ministarstva finansija i trezora BiH“.

Član 4. definira uspostavu novih čl. 31.a., 31b. i 31c. Član 31a. odnosi se na uspostavu javno dostupnog Registra neporeznih prihoda u okviru Ministarstva finansija i trezora BiH, na službenoj internet stranici Ministarstva. Član 31.b. propisuje da prestaju važiti odredbe Pravilnika o izdavanju, puštanju u tečaj, distribuciji, povlačenju iz upotrebe i zamjeni državnih administrativnih marki („Službeni glasnik BiH“, broj 101/06). Član 31c. propisuje brisanje prijelazne odredbe koja je dodana u Zakonu o izmjenama i dopunama zakona o administrativnim taksama („Službeni glasnik BiH“, broj 8/06) koja glasi: „do puštanja u promet državnih taksenih marki, plaćanje taksi vršit će se u gotovom novcu“. Uvažavajući činjenicu da je navedena odredba u izmjenama i dopunama Zakona prevaziđena, te da se takse naplaćuju uplatama na Jedinostveni račun trezora kao prihod institucija BiH, uvođenje taksenih marki ili uplate u gotovom novcu predstavljale bi vraćanje postignutog napretka u tehnici naplate taksi na znatno niži nivo, te za posljedicu imalo izloženost rizicima od mogućih zloupotreba.

4. PRINCIPI NA KOJIMA JE ZASNOVAN PRIJEDLOG ZAKONA

Ovaj prijedlog zakona zasnovan je na principima odgovornosti, transparentnosti, jednakog postupanja kod naplate administrativnih taksi i nadzora naplate administrativnih taksi koji se vrši od strane Ministarstva finansija i trezora BiH u vidu obaveze institucija da kod naplate administrativnih taksi postupaju u skladu sa instrukcijama i uputstvima Ministarstva finansija i trezora.

5. BUDŽETSKA SREDSTVA

Za realizaciju predloženih izmjena i dopuna Zakona o administrativnim taksama nisu potrebna dodatna finansijska sredstva.

**PREGLED ODREDBI KOJE SE MIJENJAJU I DOPUNJUJU ZAKONOM O
IZMJENAMA I DOPUNAMA ZAKONA O ADMINISTRATIVNIM TAKSAMA
(„Službeni glasnik BiH“, br. 16/02, 19/02, 43/04, 8/06, 76/06, 76/07, 3/08, 42/08, 3/10,
98/12, 15/14 i 78/14)**

Član 17.

(1) Takse se uplaćaju na Jedinstveni račun trezora u skladu sa instrukcijama i uputstvima Ministarstva finansija i trezora.

(2) Takse za spise i radnje pred institucijama Bosne i Hercegovine plaćaju se u konvertibilnim markama, osim u slučaju iz člana 22. stav (3) ovog zakona, u iznosima propisanim Tarifom.“

Član 21.

(1) Kontrolu primjene propisa o administrativnim taksama vrši Ministarstvo finansija i trezora.

(2) Institucije Bosne i Hercegovine dužne su prilikom naplate takse primijeniti instrukcije i uputstva koje izdaje Ministarstvo finansija i trezora.

(3) Unutrašnju kontrolu primjene propisa o administrativnim taksama vrši svaka institucija u vršenju svoje djelatnosti.

Član 30.

(1) Administrativne takse utvrđene u Tarifi su prihodi Budžeta institucija Bosne i Hercegovine i međunarodnih obaveza Bosne i Hercegovine (u daljnjem tekstu: Budžet BiH).

(2) Administrativne takse koje se plaćaju u gotovom novcu, u skladu sa članom 3. stav (2) ovoga Zakona, plaćaju se u konvertibilnim markama u Budžet BiH, u skladu sa naredbom o uplatnim računima Budžeta BiH, osim za diplomatsko-konzularna predstavništva Bosne i Hercegovine na koja se primjenjuje stav (3) ovoga člana.

(3) Administrativne takse utvrđene u Tarifi, u odjeljku - Takse za rad diplomatsko-konzularnih predstavništava Bosne i Hercegovine - plaćaju se na devizni račun diplomatskog i konzularnog predstavništva, koja ova sredstva prenose u Budžet BiH, u skladu s instrukcijama i uputstvima Ministarstva finansija i trezora.

Član 31a.

(1) Ministarstvo finansija i trezora, o naplaćenim administrativnim taksama i drugim naknadama koje se naplaćuju u skladu s ovim Zakonom i drugim zakonima i podzakonskim aktima kojima je predviđena naplata neporeznih prihoda, koji se evidentiraju na Jedinstveni račun trezora BiH, uspostaviti će javno dostupan Registar neporeznih prihoda.

(2) Sadržaj Registra neporeznih prihoda te njegovo održavanje propisat će Ministarstvo finansija i trezora podzakonskim aktom.

Član 31b.

Stupanjem na snagu ovog zakona prestaju važiti odredbe Pravilnika o izdavanju, puštanju u tečaj, distribuciji, povlačenju iz upotrebe i zamjeni državnih administrativnih maraka („Službeni glasnik BiH“ broj, 101/06).

POSTOJEĆE ODREDBE	PREDLOŽENE IZMJENE
<p style="text-align: center;">Član 17.</p> <p>Takse se plaćaju državnim taksenim markama.</p> <p>Izuzetno od stava 1. ovog člana, takse se uplaćuju u gotovom novcu na uplatne račune, u skladu s ovim Zakonom i to:</p> <ol style="list-style-type: none"> 1. ako takse iznose 50,00 KM i više i 2. ako je posebnim zakonom propisano da se taksa uplaćuje na propisani račun, bez obzira na iznos takse." <p>Ministarstvo finansija i trezora uredit će posebnim pravilnikom izdavanje, ovlaštenje za maloprodaju, visinu provizije za maloprodaju, puštanje u promet, distribuciju, povlačenje iz upotrebe i zamjenu državnih taksenih marki.</p>	<p style="text-align: center;">Član 17.</p> <p>(1) Taksa se uplaćuje na Jedinstveni račun trezora u skladu sa instrukcijama i uputstvima Ministarstva finansija i trezora.</p> <p>(2) Takse za spise i radnje pred institucijama Bosne i Hercegovine plaćaju se u konvertibilnim markama, osim u slučaju iz člana 22. stav (3) ovog zakona, u iznosima propisanim Tarifom administrativnih taksi.“</p>
<p style="text-align: center;">Član 21.</p> <p>Kontrolu primjene propisa o administrativnim taksama vrši Ministarstvo finansija i trezora.</p> <p>Unutrašnju kontrolu primjene propisa o administrativnim taksama vrši svaka institucija u vršenju svoje djelatnosti..</p>	<p style="text-align: center;">Član 21.</p> <p>(1) Kontrolu primjene propisa o administrativnim taksama vrši Ministarstvo finansija i trezora.</p> <p>(2) <i>Institucije Bosne i Hercegovine dužne su prilikom naplate takse primijeniti instrukcije i uputstva koje izdaje Ministarstvo finansija i trezora.</i></p> <p>(3) Unutrašnju kontrolu primjene propisa o administrativnim taksama vrši svaka institucija u vršenju svoje djelatnosti.</p>
<p style="text-align: center;">Član 30.</p> <p>(1) Administrativne takse utvrđene u Tarifi su prihodi Budžeta institucija Bosne i Hercegovine i međunarodnih obaveza Bosne i Hercegovine (u daljnjem tekstu: Budžet BiH).</p> <p>(2) Administrativne takse koje se plaćaju u</p>	<p style="text-align: center;">Član 30.</p> <p>(1) Administrativne takse utvrđene u Tarifi su prihodi Budžeta institucija Bosne i Hercegovine i međunarodnih obaveza Bosne i Hercegovine (u daljnjem tekstu: Budžet BiH).</p> <p>(2) Administrativne takse koje se plaćaju u</p>

<p>gotovom novcu, u skladu sa članom 3. stav (2) ovoga Zakona, plaćaju se u konvertibilnim markama u Budžet BiH, u skladu sa naredbom o uplatnim računima Budžeta BiH, osim za diplomatsko-konzularna predstavništva Bosne i Hercegovine na koja se primjenjuje stav (3) ovoga člana.</p> <p>(3) Administrativne takse utvrđene u Tarifi, u odjeljku – Takse za rad diplomatsko-konzularnih predstavništava Bosne i Hercegovine - plaćaju se na devizni račun diplomatskog i konzularnog predstavništva, koja ova sredstva prenose u Budžet BiH, u skladu s naredbom o uplatnim računima Budžeta BiH</p>	<p>gotovom novcu, u skladu sa članom 3. stav (2) ovoga Zakona, plaćaju se u konvertibilnim markama u Budžet BiH, u skladu sa naredbom o uplatnim računima Budžeta BiH, osim za diplomatsko-konzularna predstavništva Bosne i Hercegovine na koja se primjenjuje stav (3) ovoga člana.</p> <p>(3) Administrativne takse utvrđene u Tarifi, u odjeljku - Takse za rad diplomatsko-konzularnih predstavništava Bosne i Hercegovine - plaćaju se na devizni račun diplomatskog i konzularnog predstavništva, koja ova sredstva prenose u Budžet BiH, <i>u skladu s instrukcijama i uputstvima Ministarstva finansija i trezora.</i></p>
	<p>Član 31a.- novi član</p> <p>Ministarstvo finansija i trezora BiH, o naplaćenim administrativnim taksama i drugim naknadama koje se naplaćuju u skladu s ovim Zakonom i drugim zakonima i podzakonskim aktima kojima je predviđena naplata neporeznih prihoda, koji se evidentiraju na Jedinstveni račun trezora BiH, uspostaviti će javno dostupan Registar neporeznih prihoda.</p> <p>(2) Sadržaj Registra neporeznih prihoda te njegovo održavanje propisat će Ministarstvo finansija i trezora podzakonskim aktom.</p>
	<p>„Član 31b.- novi član</p> <p>Stupanjem na snagu ovog zakona prestaju važiti odredbe Pravilnika o izdavanju, puštanju u promet, distribuciji, povlačenju iz upotrebe i zamjeni državnih administrativnih maraka („Službeni glasnik BiH“ broj, 101/06).</p>
<p>Zakon o izmjenama i dopunama zakona o administrativnim taksama („Službeni glasnik BiH“, broj 8/06) - prelazna odredba člana 6.</p> <p>Do puštanja u promet državnih taksenih</p>	<p>Član 31c. – novi član</p> <p>Odredba osnovnog teksta Zakona koja glasi: „Do puštanja u promet državnih taksenih marki, plaćanje taksi vršit će se gotovim</p>

marki, plaćanje takse vršit će se gotovim novcem.	novcem.“ prestaje da važi.“
---	-----------------------------